



МОНГОЛ УЛС  
САНХҮҮГИЙН ЗОХИЦУУЛАХ ХОРООНЫ  
ТОГТООЛ

2015 оны 12 сарын 17 өдөр

Дугаар 417

Улаанбаатар хот

"МИК холдинг" ХХК-ийн үнэт  
цаасыг бүртгэлд бүртгэх тухай

Санхүүгийн зохицуулах хорооны эрх зүйн байдлын тухай хуулийн 6 дугаар зүйлийн 6.2.2, Үнэт цаасны зах зээлийн тухай хуулийн 9 дүгээр зүйл, 63 дугаар зүйлийн 63.1.10, Компанийн тухай хуулийн 23 дугаар зүйл, Санхүүгийн зохицуулах хорооны 2014 оны 06 дугаар тогтоолоор батлагдсан "Үнэт цаасны бүртгэлийн журам"-ын 17.1 дэх заалтыг тус тус үндэслэн ТОГТООХ нь:

1. "МИК холдинг" ХХК нь нээлттэй хувьцаат компани болон өөрчлөн зохион байгуулагдсантай холбогдуулан тус компанийн нэг бүр нь 1,000 төгрөгийн нэрлэсэн үнэ бүхий нийт 20,709,320 /хорин сая долоон зуун есөн мянга гурван зуун хорь/ ширхэг энгийн хувьцааг үнэт цаасны бүртгэлд бүртгэхийг Үнэт цаасны зохицуулалтын газар /Т.Гандулам/-т үүрэг болгож, хөрөнгийн биржийн жагсаалтад бүртгэхийг "Монголын хөрөнгийн бирж" ХК /М.Болор/, үнэт цаасны төвлөрсөн хадгаламжид бүртгэхийг "ҮЦТТТХТ" ХХК /Ж.Алдаржавхлан/-д тус тус зөвшөөрсүгэй.

2. "МИК холдинг" ХХК-ийн хувьцаа эзэмшигчдийн эзэмшилд буй нийт 17,602,922 /арван долоон сая зургаан зуун хоёр мянга есөн зуун хорин хоёр/ ширхэг хувьцааг энэ тогтоолын хавсралтад заасны дагуу "МИК холдинг" ХК-ийн хувьцаанд хөрвүүлж, үнэт цаасны өмчлөх эрхийг баталгаажуулан бүртгэхийг "ҮЦТТТХТ" ХХК /Ж.Алдаржавхлан/-д зөвшөөрсүгэй.

3. "МИК холдинг" ХК-ийн энэ тогтоолын 2-т заасан хувьцаа эзэмшигчдийн өмчлөлд хөрвүүлэн бүртгэснээс бусад 3,106,398 /гурван сая нэг зуун зургаан мянга гурван зуун ерэн найм/ ширхэг хувьцааг төлөөлөн удирдах зөвлөлөөс тогтоосон үнээр нийтэд санал болгохыг зөвшөөрсүгэй.

4. "МИК холдинг" ХК-ийн нийтэд санал болгох энэ тогтоолын 3-т заасан хувьцааг эзэмшиж буй хувьцааныхаа тоотой хувь тэнцүүлэн нэг бүрийг 12,000 төгрөгөөр үнэлэн тэргүүн ээлжинд худалдан авах эрхийг хувьцаа эзэмшигч нарт эдлүүлэх боломжийг хуульд заасан журмын дагуу хэрэгжүүлж, анхдагч зах зээлд гаргахаас өмнө зохион байгуулан, гүйцэтгэлийг Хороонд тайлагнаж, олон нийтэд мэдээлэхийг "МИК холдинг" ХХК /Д.Гантөгс/, "Ти Ди Би капитал ҮЦК" ХХК /О.Орхон/-д тус тус үүрэг болгож, уг эрхээ хэрэгжүүлсэн хувьцаа эзэмшигчийн өмчлөх эрхийг баталгаажуулахыг "ҮЦТТТХТ" ХХК /Ж.Алдаржавхлан/-д зөвшөөрсүгэй.

5. "МИК холдинг" ХХК нь зохион байгуулалтын хэлбэрээ өөрчлөн хувьцаат компани болж байгаатай холбогдуулан энэхүү тогтоол батлагдсан өдрөөс хойш ажлын 10 өдрийн

-- 001150

дотор Улсын бүртгэлд зохих өөрчлөлт оруулж, Хороонд мэдэгдэхийг “МИК холдинг” ХХК /Д.Гантөгс/-д даалгасугай.

6. Энэхүү тогтоолын 3-т заасны дагуу хувьцааг нийтэд санал болгох анхдагч зах зээлийн арилжааг нэг сараас илүүгүй хугацаанд зохион байгуулж, зохих журмын дагуу Хороонд мэдэгдэхийг “Ти Ди Би капитал ҮЦК” ХХК /О.Орхон/-д, Хорооноос анхдагч зах зээлийн арилжааг амжилттай болсонд тооцох хүртэлх хугацаанд үнэт цаасны арилжаанаас татан төвлөрүүлсэн хөрөнгийг тусгаарлахыг “ҮЦТТТХТ” ХХК /Ж.Алдаржавхлан/-д тус тус үүрэг болгосугай.

7. Үнэт цаасны зах зээлийн тухай хуулийн 20 дугаар зүйл болон Хорооны 2013 оны 505 дугаар тогтоолоор батлагдсан “Үнэт цаас гаргагчаас мэдээллийг нийтэд тогтмол хүргэх тухай журам”-д заасан мэдээллийг олон нийтэд цаг тухайд нь тогтмол хүргүүлж, хууль тогтоомжоор хүлээсэн үүргээ чанд биелүүлж ажиллахыг “МИК холдинг” ХК /Д.Гантөгс/-д үүрэг болгосугай.

8. Тогтоолын биелэлтэд хяналт тавьж ажиллахыг Хяналт шалгалтын газар /Б.Оюунцацрал/, нэгдсэн бүртгэлд бүртгэхийг Бүртгэл зөвшөөрлийн газар /Э.Мөнхбаяр/, олон нийтэд мэдээлэхийг Тамгын газар /П.Алтан-Од/-д тус тус даалгасугай.

ДАРГА



НАРАНТУЯА

Д/д	Хувьцаа эзэмшигч	Хорвүүлэн эзэмших хувьцаа	Тэргүүн ээлжинд худалдан авах эрх хэрэгжүүлэх боломжит хувьцаа /ширхэг/
1	Монголбанк	421,241	74,337
2	Хөгжлийн банк	2,619,661	462,293
3	Төрийн банк	421,241	74,337
4	Голомт банк	1,153,699	203,594
5	Капитал банк	1,680,948	296,638
6	Капитрон банк	210,621	37,168
7	Хаан банк	210,621	37,168
8	Хас банк	210,621	37,168
9	Худалдаа хөгжлийн банк	5,310,938	937,224
10	Улаанбаатар хотын банк	4,995,456	881,551
11	Чингис хаан банк	52,393	9,246
12	Юнайтэд секьюритис	315,482	55,673
	<b>Дүн</b>	<b>17,602,922</b>	<b>3,106,398</b>
	<b>Нийт</b>		<b>20,709,320</b>